

desenvolvemento regularanse polas normas específicas que resulten de aplicación, de conformidade co establecido na Disposición adicional décima da Lei xeral de subvencións e na Disposición adicional segunda da Lei de subvencións de Galicia. As presentes bases terán, en consecuencia, carácter supletorio na súa aplicación a esta materia.

- c) Tamén se regularán polas súas bases específicas as axudas e as bolsas de estudos que configuran a acción social do Concello a favor do persoal funcionario ou laboral ao seu servizo.

CAPÍTULO II.-SUBVENCÍONS NOMINATIVAS PARA O EXERCICIO 2026.

BASE 51ª.- SUBVENCÍONS NOMINATIVAS PARA O EXERCICIO 2026

No exercicio 2026, conforme ao establecido no artigo 22.2.a) da Lei xeral de subvencións, outorgaranse as subvencións nominativas que seguidamente se detallan aos perceptores e polos importes máximos que se indican:

<i>Obxecto e Finalidades</i>	<i>Beneficiario</i>		<i>Importe</i>
	<i>NIF</i>	<i>Denominación</i>	
Diversidade funcional – Convenio Asociación AMBAR	G15052434	AMBAR	3.400,00 €
Diversidade funcional – Convenio Asociación AMICOS	G15747678	AMICOS	3.400,00 €
Diversidade funcional - Convenio Asociación A CREBA	G15476310	A CREBA	3.400,00 €
Atención a infancia - Convenio Asociación FAIBEN	G27713379	FAIBEN	3.400,00 €
Campañas de prevención – Convenio Asociación Renacer	G15281611	Asociación Antidroga Renacer	3.400,00 €
Programa emerxencia social – Convenio Cáritas	R1500053B	CÁRITAS DIOCESANA	3.400,00 €
Programa emerxencia social – Convenio Cruz Roja	Q2866001G	CRUZ ROJA	3.400,00 €
Programa Universidade de Maiores	Q1518001A	Convenio USC	20.000,00 €



Contribución ao sostemento do Museo Etnográfico de Artes	G15140320	Centro Recreativo e Cultural de Artes	15.000,00 €
Subvención Festa da Dorna 2026	G15315682	Asociación Cultural Real e Ilustre Cofradía da Dorna	80.000,00 €
Subvención Festa do Percebe 2026	G15027220	Cofradía de pescadores de Carreira y Aguiño	15.000,00 €
Convenio Club Náutico – Fomento Escola de Vela	G15033152	Club Náutico Riveira	3.500,00 €
Convenio Asoc. Lajareu por Barlovento – Fomento Vela Tradicional	G15549090	Asociación Cultural Lajareu por Barlovento	2.000,00 €
Subvención Festa da Navalla 2026	G70368261	Asociación Cultural O Serríño os Mellors de Aguiño	4.000,00 €
Campaña comercio de Nadal 2025/2026 – Convenio	G15045594	Asociación de Empresarios de Ribeira	5.000,00 €
Contribución á Feira Gastromar	G15045594	Asociación de Empresarios de Ribeira	20.000,00 €
Contribución campañas apoio ao comercio 2026	G15045594	Asociación de Empresarios de Ribeira	20.000,00 €
Contribución á concentración moteira en Ribeira 2026	G70512199	Asociación Motoclub Os Reventapistóns	5.500,00 €
Confinanciamento progr. FO200	G15798168	Fundación Museo Artes Grabado	15.500,00 €
Programa axuda contra o cancro	G28197564	Asociación española contra o cancro	3.400,00 €
Proxecto Ágape Refórzate	G72395023	ASOCIACIÓN GALEGA PARA O ACOMPAÑAMENTO PERSOAL E EDUCATIVO	3.400,00 €
Convenio	G15108814	Liceo Marítimo de Ribeira	2.500,00 €
Convenio	R1500363E	ICE Renovación	3.400,00 €

A tramitación dos expedientes de gasto relativos ás subvencións nominativas detalladas nesta base e as que poidan reflectirse en expedientes de modificación de créditos aprobados polo Pleno e tramitados durante a vixencia do orzamento de 2026, non requirirán novo acordo do Pleno da Corporación, correspondendo a súa resolución á Alcaldía.



Con carácter xeral, os importes indicados na relación anterior non deben superar o 80 por 100 do custo da actividade ou proxecto subvencionado. Exceptúanse do disposto anteriormente as subvencións nominativas que teñen o carácter de cota de socio e aquelas nas que o Pleno, por razóns de excepcional interese público, expresamente motivadas e acreditadas, acorde o financiamento do custo total da actividade ou proxecto subvencionado. En ningún caso o importe da subvención municipal poderá ser de tal contía que, en concorrencia con subvencións ou axudas doutras administracións ou entes públicos ou achegas ou recursos de entidades privadas, nacionais ou internacionais, supere o custo da actividade xustificada polo beneficiario.

Se o importe da subvención municipal é superior a 80.000,00 euros, a contratación con terceiros para a execución total ou parcial das actividades ou investimentos realizarase conforme ás normas de aplicación á contratación das Administracións públicas, utilizando para tal fin os pregos que a tal efecto lle sexan subministrados polo Concello, garantindo en todo caso, os principios de publicidade, concorrencia, igualdade e non discriminación. Un funcionario municipal, designado pola Alcaldesa da Corporación que formará parte da Comisión Técnica que avalíe as ofertas dos licitadores.

Exceptúanse das normas contidas nos dous apartados precedentes as subvencións nas que o beneficiario sexa unha Administración pública.

As achegas municipais faranse efectivas logo de xustificación documental de realización de actividades ou investimentos subvencionados. Só de forma excepcional e debidamente motivada poderán librarse fondos anticipados que, en todo caso, deberán aterse ás seguintes normas:

- a) Requirirase a previa constitución de fianza, aval ou garantía abonda polo importe total da cantidade anticipada máis un 20 por 100 en concepto de posibles xuros moratorios, agás as entidades exentas por Lei da prestación de garantías ou caucións. Non obstante, no convenio regulador da subvención nominativa poderase excepcionar a obriga da previa constitución de fianza, aval ou garantía atendendo ás circunstancias específicas da subvención, debendo estas quedar acreditadas no mesmo. Neste casos os pagos anticipados non poderán ser superiores ao 50% do importe da subvención.
- b) Deberá acreditarse que o beneficiario está ao corrente nas súas obrigas tributarias co Concello, ca Axencia Estatal de Administración Tributaria, ca Tesourería Xeral da Seguridade Social e ca Administración Autonómica.
- c) Non será posible expedir un pagamento anticipado se o beneficiario ten pendente de xustificación unha cantidade anticipada con anterioridade para a mesma finalidade e transcorrendo o prazo de xustificación previsto, non se achegase a documentación xustificativa da aplicación total dos fondos



anticipados nas condicións establecidas no acordo ou convenio correspondente.

Igualmente, resultarán de aplicación ás subvencións nominativas consideradas na presente base, distintas das cotas de socio, as seguintes normas xerais:

1. Os convenios que se tramiten para a súa materialización deben conter, coa debida adecuación, os puntos contidos na base 53.3 das de Execución do Orzamento Municipal.
2. Corresponderalle á Alcaldesa da Corporación, logo de informe de servizos competentes, valorar o cumprimento das actividades ou investimentos subvencionados.
3. Se non se xustifica totalmente o orzamento subvencionable, pero está acreditado que a finalidade básica da subvención foi cumprida, o importe inicialmente concedido reducirase mediante a aplicación do coeficiente de financiamento sobre o importe de gasto efectivamente xustificado.
4. Entenderase que a finalidade básica da subvención foi cumprida, se o gasto xustificado ascende, polo menos, ao 50 por 100 do orzamento inicialmente previsto. Se o gasto xustificado é inferior á devandita porcentaxe, entenderase que a finalidade básica da subvención non foi cumprida polo que non se aboará cantidade ningunha sen prexuízo das posibles sancións ou reintegros que resulten de aplicación.
5. As subvencións nominativas terán carácter anual e non xerarán ningún dereito adquirido polo perceptor para exercicios posteriores. Só en circunstancias excepcionais, e por acordo plenario debidamente motivado, de conformidade co establecido no artigo 174 do texto refundido da Lei reguladora de facendas locais, aprobado polo Real decreto legislativo 2/2004, do 5 de marzo, poderán adoptarse compromisos de gasto por subvencións nominativas de carácter plurianual, logo da acreditación de carácter plurianual de actividade ou investimento obxecto de subvención para cuxo efecto o expediente tramitado conterà un programa anual en que se detallan e cuantifiquen as tarefas, actividades ou investimentos a realizar en cada exercicio orzamentario de imputación. En todo caso deberán tomar en consideración as disposicións contidas no artigo 57do regulamento da Lei 38/2003, xeral de subvencións, aprobado polo Real decreto 887/2006, do 21 de xullo.

Deberá incorporarse á conta xeral información relativa á totalidade das achegas nominativas efectivamente concedidas ao longo do exercicio 2026, no que se indique o coeficiente de financiamento acadado finalmente pola achega municipal.



FIRMANTE - FECHA

MARIA JOSE SAMPEDRO FERNANDEZ-ALCALDESA PRESIDENTA - 20/05/2026
CN=SELLO AEAD,2.5.4.97=VATES-Q28029231,O=MINISTERIO DE TRANSFORMACION DIGITAL Y FUNCION PUBLICA,L=Madrid,C=ES - 20/05/2026 11:01:43

EXPEDIENTE ::
2026APP6000001

Fecha: 04/05/2026

Hora: 00:00

Und. reg: REGISTRO GENERAL



BASE52ª.- NORMAS APLICABLES ÁS SUBVENCIÓNS NOMINATIVAS NON INCLUÍDAS EXPRESAMENTE NO ORZAMENTO INICIAL DO EXERCICIO 2026.


As subvencións nominativas non consideradas na base anterior, que poidan outorgarse durante o exercicio 2026, regularanse polas normas singulares contidas nos convenios subscritos para o efecto ou nos acordos plenarios que as aproben e, en todo caso, ateranse ás seguintes normas comúns:

1ª. - Correspóndelle ao Pleno adoptar os acordos que impliquen directa ou indirectamente o outorgamento de subvencións municipais de carácter nominativo a outros entes públicos ou a entidades privadas sen ánimo de lucro, calquera que sexa a forma a través da cal se instrumenten (convenio, acordo singular, cotas de socio e outras).

2ª. - Para estes efectos entenderase por subvención nominativa aquela que se outorgue excepcional e motivadamente a un ente público ou a unha entidade privada sen ánimo de lucro por razóns tan singulares de interese público que non permitan ou non fagan conveniente a aplicación dos principios de publicidade e concorrència. No expediente administrativo incorporárase "unha memoria do órgano xestor das subvencións, competente por razón da materia, xustificativa do carácter singular das subvencións, das razóns que acreditan o interese público social, económico ou humanitario, ou outras que xustifican a dificultade da súa convocatoria" (artigo 67.3 a. do regulamento da Lei xeral de subvencións).

3ª. - O acordo de concesión ou o convenio subscrito para o efecto deberá concretar, entre outros puntos, os seguintes elementos:

- a) Obxecto e finalidade concreta da subvención.
- b) Indicación das razóns que acreditan o interese público, social, económico ou humanitario da actividade ou investimento subvencionado, e que xustifican a dificultade da súa convocatoria pública.
- c) Identificación da normativa reguladora da subvención.
- d) Orzamento detallado de ingresos e gastos da actividade a que se destina, se proceder.
- e) Importe da achega municipal e a porcentaxe que represente sobre o total da actividade obxecto de fomento, no seu caso. O devandito importe non poderá superar en ningún caso o 80 por 100 do orzamento total de gastos da actividade de que se trate, a non ser que o Pleno da Corporación, por motivos excepcionais de interese público, acorde motivadamente que se financie o custo total da actividade subvencionada. En ningún caso o importe da subvención municipal poderá ser de tal contía que, en concorrència con subvencións ou axudas doutras administracións ou entes públicos, nacionais ou internacionais, supere o custo da actividade xustificada polo beneficiario.
- f) Medios mediante os que os beneficiarios haberán de dar publicidade á subvención concedida polo Concello (folletos, carteis informativos, placas



FIRMANTE - FECHA		EXPEDIENTE ::
MARIA JOSE SAMPEDRO FERNANDEZ-ALCALDESA PRESIDENTA - 20/05/2026		2026APP6000001
CN=SELLO AEAD,2.5.4.97=VATES-Q28029231,O=MINISTERIO DE TRANSFORMACION DIGITAL Y FUNCION PUBLICA,L=Madrid,C=ES - 20/05/2026 11:01:43		Fecha: 04/05/2026
		Hora: 00:00
		Und. reg: REGISTRO GENERAL




- conmemorativas,...) e forma de acreditar o cumprimento da obriga de información citada con motivo da xustificación da realización da actividade.
- g) Forma e prazo de realización das actividades ou investimentos, forma e prazo da xustificación documental, prazo e condicións para acreditar a súa realización e consecuencias asociadas ao incumprimento total ou parcial e cada un dos prazos indicados.

- Os beneficiarios das subvencións deben utilizar, con carácter xeral, formas de pagamento a terceiros que poidan acreditarse documentalmente (tarxetas bancarias de crédito ou débito, talóns nominativos, transferencias bancarias,...) e só excepcionalmente poderán utilizar o pagamento en metálico cando non sexa posible outra forma alternativa (peaxe de autoestrada, tiques de aparcamento, etc.), e en todo caso para gastos non superiores a 150 € e cunha limitación do 10% do importe a xustificar.
- h) Forma e requisitos para o pagamento da subvención.
- i) Posibilidade de efectuar pagamentos anticipados e aboamentos a conta, así como o réxime de garantías que, se é o caso, deberán achegar os beneficiarios.
- j) Determinación dos libros e rexistros contables específicos que deberá levar o beneficiario para garantir a axeitada xustificación da subvención e a comprobación posterior do cumprimento das condicións establecidas.
- k) Infraccións no caso de incumprimento das bases e as súas correspondentes sancións.
- l) Obriga de reintegro dos fondos no suposto de incumprimento dos requisitos e obrigas establecidas para a concesión da subvención e, en todo caso, nos supostos regulados no artigo 37 da Lei Xeral de Subvencións.
- m) Sometemento do beneficiario aos procedementos de control ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo.
- n) Compatibilidade ou incompatibilidade con outras subvencións ou axudas para a mesma finalidade.
- o) Vixencia temporal.
- p) Normativa a considerar sobre os aspectos non contemplados no acordo ou convenio correspondente.

4ª.- Non obstante o disposto nos apartados precedentes, autorízase á Alcaldía a outorgar subvencións nominativas a entes públicos ou privados sen ánimo de lucro, nacionais ou estranxeiros, conforme ás condicións que seguidamente se expresan:

- a) As subvencións concedidas ao abeiro desta previsión resultarán imputables á aplicación 231E.480.00 do orzamento municipal.
- b) Iniciarase de oficio ou a instancia de parte un expediente no que se acrediten as razóns de interese público, urxencia e excepcionalidade que



FIRMANTE - FECHA		EXPEDIENTE ::
MARIA JOSE SAMPEDRO FERNANDEZ-ALCALDESA PRESIDENTA - 20/05/2026 CN=SELLO AEAD,2.5.4.97=VATES-Q28029231,O=MINISTERIO DE TRANSFORMACION DIGITAL Y FUNCION PUBLICA,L=Madrid,C=ES - 20/05/2026 11:01:43		2026APP6000001
		Fecha: 04/05/2026
		Hora: 00:00
		Und. reg: REGISTRO GENERAL



motivan a concesión proposta e se concrete o obxecto, finalidade, forma de acreditación e forma de pagamento. O devandito expediente será obxecto de fiscalización polos Servizos da Intervención municipal, co fin de acreditar a concorrencia das circunstancias expresadas na presente base e a existencia de crédito dispoñible e suficiente na aplicación orzamentaria de imputación.

- c) O importe individual das axudas propostas non pode ser superior a 1.500,00 euros por entidade e o total das que se outorguen no exercicio non pode exceder da consignación da partida indicada.

CAPÍTULO III.-SUBVENCIONS EN RÉXIME DE CONCORRENCIA COMPETITIVA.

BASE 53ª. - CONVOCATORIA DAS SUBVENCIONS EN RÉXIME DE CONCORRENCIA COMPETITIVA

1º. - O procedemento para a concesión de subvencións en réxime de concorrencia competitiva iniciárase sempre de oficio, mediante convocatoria aprobada pola Alcaldía.


2º. - As actividades obxecto de subvención deberán de ser, en todo caso, aquelas que complementen ou suplan as competencias do Concello ou que, en xeral, contribúan ao fomento dos intereses peculiares do municipio. Co fin de asegurar que existe unha iniciativa privada que merece a acción de fomento do Concello, o importe da subvención nunca poderá superar o 80 por 100 do custo da actividade ou proxecto subvencionado.

3º. - As subvencións que se concedan non poderán aplicarse a finalidades distintas daquelas para as que foron outorgadas. O obxecto concreto das axudas ou subvencións aprobadas só poderá modificarse logo de solicitude expresa do interesado e a través de resolución motivada do órgano competente, que deberá tomar en consideración os criterios de valoración contidos nas bases da convocatoria, o coeficiente de financiamento asignado e o importe do orzamento subvencionado.

4º. - Poderá simultanearse a aprobación e publicación das bases e da convocatoria de subvencións municipais. En todo caso deberán publicarse ambas as dúas no Boletín Oficial da Provincia e na páxina de internet do Concello.

BASE 54ª. - BASES DA CONVOCATORIA DE SUBVENCIONS EN RÉXIME DE CONCORRENCIA COMPETITIVA.

1º. - As subvencións non nominativas outorgaranse baixo os principios de publicidade, concorrencia, obxectividade, igualdade, non discriminación e transparencia.



FIRMANTE - FECHA		EXPEDIENTE ::
MARIA JOSE SAMPEDRO FERNANDEZ-ALCALDESA PRESIDENTA - 20/05/2026		2026APP6000001
CN=SELLO AEAD,2.5.4.97=VATES-Q28029231,O=MINISTERIO DE TRANSFORMACION DIGITAL Y FUNCION PUBLICA,L=Madrid,C=ES - 20/05/2026 11:01:43		Fecha: 04/05/2026
		Hora: 00:00
		Und. reg: REGISTRO GENERAL

